

Na osnovu Zakona o koncesijama – Prečišćeni tekst (“Službene novine Zeničko-dobojskog kantona”, broj: 5/03), Odluke Vlade Zeničko-dobojskog kantona o pristupanju provođenja procedure dodjele koncesije broj: 02-21-13853/20 od 14.08.2020. godine, za eksploataciju mineralne vode sa izvorišta „DOLAC“, na parceli označenoj kao k.č. 1838 u K.O. Raduša, općina Tešanj, Ministarstvo za poljoprivredu, šumarstvo i vodoprivredu raspisuje:

JAVNI POZIV

I Predmet koncesije

Predmet koncesije je eksploatacija mineralne vode u količini od 0,20 l/s sa izvorišta „DOLAC“, na parceli označenoj kao k.č. 1838 u K.O. Raduša, općina Tešanj.

II Pravo učešća

Pravo učešća na ovom javnom pozivu pod jednakim uslovima imaju domaća i strana pravna lica, osnovana ili registrovana u skladu sa zakonima Federacije BiH.

III Vrijeme na koje se daje koncesija

Vrijeme na koje se daje koncesija je 30 (trideset) godina, računajući početak eksploatacije mineralne vode sa izvorišta „DOLAC“, općina Tešanj.

IV Opći eliminatorni uslovi za dodjelu koncesije

IV.1. Osnovni zakonski uslovi:

Privredno društvo koje je ponudač (u daljem tekstu Ponudač) u postupku dodjele koncesije biće isključeno iz daljeg postupka dodjele ako ne dostavi:

- a) Studiju ekonomske opravdanosti dodjele koncesije sa procjenom u cilju zaštite okoliša.
- b) Dokaz o ranije stečenim pravima korištenja predmetne koncesije po osnovu vlasništva nad zemljištem i objektima ili odobrenje drugih organa dobivenih na osnovu posebnih zakona, u slučajevima kada je to neophodno za korištenje predmetne koncesije.

IV.2. Lična i profesionalna sposobnost

Ponudač u postupku dodjele koncesije biće isključen iz daljeg postupka dodjele ako ne dostavi:

- a) Uvjerenje nadležnog suda da nije pravosnažno osuđen za krivično djelo i/ili prekršaj u vezi sa obavljanjem privredne djelatnosti (počinjen u periodu od 3 godine prije početka postupka dodjele koncesije ili od datuma registracije odnosno početka poslovanja, ako je ponudač registrovan ili je počeo sa radom prije manje od 3 godine).
- b) Uvjerenje nadležnog organa da nije predmet stečaja ili likvidacije i da nije u postupku stečaja ili likvidacije.
- c) Uvjerenje nadležnog organa o izmirenim javnim prihodima (porezi, indirektni porezi, doprinosi za MIO/PIO i plaćenju koncesionoj naknadi).
- d) Aktuelno rješenje o upisu u sudski registar.

IV.3. Ekonomska i finansijska sposobnost

Ponudač u postupku dodjele koncesije biće isključen iz daljeg postupka dodjele ako ne dostavi:

- a) Izvod iz jedinstvenog registra računa Centralne banke BiH o svim računima ponudača.
- b) Potvrdu poslovne banke ponudača da njegov glavni transakcijski račun nije bio blokiran u prethodnih 6 mjeseci ili od datuma registracije odnosno od početka poslovanja ako je ponudač registrovan ili je počeo sa radom prije manje od 6 mjeseci.

Dokazi iz tačke IV se dostavljaju u originalu ili ovjerenoj kopiji i ne mogu biti stariji od 3 mjeseca računajući od dana dostavljanja ponude.

V. Posebni kriteriji za ocjenjivanje ponuda

Posebni kriteriji za izbor najpovoljnijih ponuda za dodjelu koncesije za crpljenje, zahvatanje i flaširanje mineralne vode su:

- 1) Minimalni iznos tekuće koncesione naknade je 1,5% od ukupnog godišnjeg prihoda ostvarenog korištenjem koncesije, a najviše po ovom kriteriju:65 bodova
- 2) Minimalni iznos jednokratne koncesione naknade za eksploataciju vode iznosi 1,5 % od ukupne investicije ili procjenjene vrijednosti objekata u funkciji korištenja predmeta koncesije (1.000.000,00 KM) i iznosi 15.000,00 KM (petnaest hiljada KM), a najviše po ovom kriteriju:.....35 bodova

UKUPNO: 100 bodova

VI Postupak izbora najpovoljnije ponude

Izbor najpovoljnije ponude izvršiće Komisija za koncesije u skladu sa važećim zakonima, propisanim kriterijima i odredbama Pravilnika za ocjenu najpovoljnije ponude za dodjelu koncesija na vodama i javnom vodnom dobru ("Službene novine Zeničko-dobojskog kantona", broj: 5/03).

VII Studija ekonomske opravdanosti

Ponudač je obavezan izraditi i uz ponudu dostaviti Studiju ekonomske opravdanosti koncesije sa procjenom u cilju zaštite okoliša.

VIII Potrebna dokumentacija uz ponudu

Ponuda treba da sadrži:

1. Naziv i adresu ponudača.
2. Aktuelno rješenje o upisu u sudski registar.
3. Uvjerenje nadležnog suda da nije pravosnažno osuđen za krivično djelo i/ili prekršaj u vezi sa obavljanjem privredne djelatnosti (počinjen u periodu od 3 godine prije početka postupka dodjele koncesije ili od datuma registracije odnosno početka poslovanja, ako je ponudač registrovan ili je počeo sa radom prije manje od 3 godine).
4. Uvjerenje nadležnog organa da nije predmet stečaja ili likvidacije i da nije u postupku stečaja ili likvidacije.
5. Uvjerenje nadležnog organa o izmirenim javnim prihodima (porezi, indirektni porezi, doprinosi za MIO/PIO).
6. Izvod iz jedinstvenog registra računa Centralne banke BiH o svim računima ponudača.
7. Potvrda poslovne banke ponudača da njegov glavni transakcijski račun nije bio blokiran u prethodnih 6 mjeseci ili od datuma registracije odnosno od početka poslovanja ako je ponudač registrovan ili je počeo sa radom prije manje od 6 mjeseci.
8. Ovjeren i potpisan originalni obrazac za ponudu sa ponudnim svim elementima koji se boduju.
9. Popunjen, ovjeren i potpisan obrazac za povjerljive informacije.
10. Spisak stalno zaposlenih u firmi ponudača.
11. Dokaz o izmirenim obavezama po postojećim koncesionim ugovorima.
12. Dokaz o ranije stečenim pravima korištenja predmetne koncesije po osnovu vlasništva nad zemljištem i objektima ili odobrenje drugih organa dobivenih na osnovu posebnih zakona, u slučajevima kada je to neophodno za korištenje predmetne koncesije (zemljišnoknjižni izvadak i posjedovni list za predmetnu parcelu).
13. Studija ekonomske opravdanosti dodjele koncesije sa procjenom u cilju zaštite okoliša.
14. Izjava o opciji ponude, koja ne može biti kraća od 6 (šest) mjeseci.

15. Izjava da će ukoliko bude odabran, izvršiti uplatu jednokratne koncesione naknade prije potpisivanja koncesionog ugovora.

Ukoliko ponudač ne dostavi svu traženu dokumentaciju ovog javnog poziva, biće eliminisan iz daljeg bodovanja.

IX Preuzimanje tenderske dokumentacije

Tenderska dokumentacija se može preuzeti svakim radnim danom od 9,00 do 15,00 sati u Ministarstvu za poljoprivredu, šumarstvo i vodoprivredu Zeničko-dobojskog kantona.

Preuzimanje tenderske dokumentacije vrši se uz prezentaciju dokaza o uplati naknade za učešće na javnom pozivu u iznosu od **1.000,00 KM** (slovima: jednahiljada konvertibilnih maraka), bez prava povrata, koju je ponudač dužan uplatiti na račun broj: 134-010-000000-1672, kod ASA Banke d.d. Sarajevo, vrsta prihoda 722631, Budžetska organizacija 2301001, Općina Tešanj 090, a primjerak uplatnice priložiti uz ponudu.

X Rok za dostavljanje ponuda

Rok za dostavljanje ponuda je 30 (trideset) dana od **zadnjeg** objavljivanja ovog javnog poziva, koji će biti objavljen u "Službenim novinama Federacije BiH", dnevnim novinama „DNEVNI AVAZ“ i na web stranici Zeničko-dobojskog kantona.

Ponude podnesene poslije ovog roka neće biti razmatrane i vratiće se neotvorene na adresu ponudača.

Sva dokumentacija uz ponudu mora biti na jednom od službenih jezika u Bosni i Hercegovini.

Zapečaćena ponuda dostavlja se na adresu:

ZENIČKO-DOBOJSKI KANTON

Ministarstvo za poljoprivredu, šumarstvo i vodoprivredu

“Ponuda za javni poziv za dodjelu koncesije za eksploataciju mineralne vode sa izvorišta „DOLAC“ na parceli označenoj kao k.č. 1838 u K.O. Raduša, općina Tešanj“ - NE OTVARATI

Kučukovići br. 2

ZENICA

XI Otvaranje ponuda

O terminu javnog otvaranja uredno prispjelih ponuda ponudači će biti naknadno obaviješteni.

Javnom otvaranju ponuda mogu prisustvovati svi zainteresovani.

Sve dodatne informacije u vezi sa ovim javnim pozivom mogu se dobiti u Ministarstvu za poljoprivredu, šumarstvo i vodoprivredu, na telefon 032 460-750, 460-748, fax 032 460-752 ili e-mail adresi:

min.poljoprivreda@zdk.ba